



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Pranuar / Dorezuar Punëjeto/Prodato Received/Delivery	18.12.2023	3	viti god year
Organ /Njesia Organ /Jednica Org /Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKANSHICK	7532	2023	1/5



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1305/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj Demi, kryetare, Jeton Koca dhe Ardita Eshref Shabani, anëtarë, me Ardita Perçuku-Shyti-Zyrtare e Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.1305/2023, të datës 19.10.2023, të parashtruar nga ankuesja _____, të cilën me autorizim e përfaqëson Zyra ligjore _____, kundër organit të punësimit: Agjencia Kosovare e Privatizimit, në çështjen juridike “Transferim”, në mbështetje të nenit 6 paragrafit 1 nën paragrafit 1.1, nenit 16 paragrafit 3 dhe nenit 18 paragrafit 1 nën paragrafit 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, me datë 18.12.2023, mori këtë:

V E N D I M

- I. Aprovohet si e bazuar** ankesa me numër A.nr.1305/2023, e datës 19.10.2023, e parashtruar nga ankuesja _____.
- II. Shfuqizohet** Vendimi me numër DM 688/2023, i datës 28.09.2023, i Departamentit të Burimeve Njerëzore të Agjencisë Kosovare të Privatizimit.
- III. Obligohet** Drejtori Ekzekutiv i Agjencinë Kosovare të Privatizimit që brenda afatit prej pesëmbëdhjetë (15) ditësh nga dita e pranimit të këtij vendimi, të ndërmerr të gjitha veprimet e nevojshme ligjore për zbatimin e këtij vendimi, duke marr parasysh pikëpamjet e dhëna në arsyetimin e këtij vendimi.
- IV. Këshilli i Pavarur Mbikëqyrës për Shërbimin Civil të Kosovës** duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Nëpunësja civile _____ (tutje referuar ankuesja), më datë 19.10.2023, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e regjistruar nën shenjë A.nr.1305/2023, kundër Vendimit me numër DM 688/2023, të datës 28.09.2023, të Drejtorit të Departamentit të Burimeve Njerëzore, në Agjencinë Kosovare të Privatizimit, me pretendimet ankimore së ecuria e procesit të ristrukturimit është përcjellë me parregullsi ligjore. Duke shtuar së AKP-ja e vendosur në listë të pritjes ankuesen, e cila që nga themelimi i marrëdhënies se punës ka pasur performancë pozitive të vlerësimit të punës, ndërsa në anën tjetër organi i punësimit angazhon në vazhdimësi ofertues të shërbimeve e të cilat

veprime janë në kundërshtim me nenin 6 paragrafin 1, 2 dhe 3 të Ligjit Nr.05/L-031 për Procedurën e Përgjithshme Administrative. Kërkon që Këshilli të marrë vendim meritor duke aprovuar ankesën si të bazuar dhe të obligoj organin e punësimit që të njëjtën ta sistemoj në një vend pune.

Këshilli i Pavarur Mbikëqyrës për Shërbimin Civil të Kosovës (në tekstin e mëtejme vetëm Këshilli) në pajtim me dispozitat e Rregullores Nr.02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, me datë 23.10.2023, ka proceduar kërkesën për përgjigje në ankesë tek Agjencia Kosovare e Privatizimit, ndërsa, kjo e fundit, me datë 30.10.2023, ka përcjell përgjigjen në ankesë së bashku me shkresat referuar kësaj çështje juridiko-administrative.

Kolegji për Shqyrtimin dhe Vendosijen e Ankesave ka administruar këto prova: Ankesën e datës 19.10.2023 me numër protokolli 6606/2023 e parashtuar nga ankuesja në Këshillin e Pavarur Mbikëqyrës për Shërbimin Civil të Kosovës; Autorizimin e datës 05.10.2023 të përfaqësueses me autorizim te ankueses; Komunikimet elektronike të datës 16.02.2023 dhe 15.02.2023 ndërmjet ankueses dhe Drejtoreshës së Departamenti të Burimeve Njerëzore të AKP-së; Vendimin me numër DM 688/2023 të datës 28.09.2023 të Departamentit të Burimeve Njerëzore të AKP-së; Memorandumin e brendshëm të datës 16.02.2023 ndërmjet ankueses dhe komisionit të ristrukturimit të AKP-së; Vendimin me numër DM 67/2023 të datës 23.02.2023; Kërkesën për përgjigje në ankesë të datës 23.10.2023 nga Këshilli i Pavarur Mbikëqyrës për Shërbimin Civil të Kosovës; Përgjigjen në ankesë të datës 30.10.2023 së bashku me shkresat e bashkangjitura të lëndës dhe atë Vendimin e datës 30.11.2023 të Bordit të Drejtorëve të AKP-së; Emailin e datës 06.12.2023, 22.12.2022 nga PAK INFO për PAK ALL; Vendimin e datës 12.05.2023 për themelimin e Komisionit të Ristrukturimit; Vendimin e datës 14.02.2023 për ndryshimin e anëtarit të Komisionit të Ristrukturimit; Emailin e datës 23.12.2022 nga L.Xh për ankuesin; Emailin e datës 14.02.2023 nga L.Xh për T.M; Emailin e datës 13.02.2023 nga ankuesi për Burimeve Njerëzore; Emailin e datës 10.02.2023 nga Burimet Njerëzore për ankuesin; Përshkrimin e detyrave të punës për Udhëheqës të Divizionit të Zyrës Rajonale dhe Udhëheqës i Divizionit të Shitjeve Direke i datës 14.09.2023; Raporti i punës 04a/2023 i Komisionit të Ristrukturimit; Vendimin e datës 09.06.2023 për ankuesin; Vendimin DM 232/2023 i datës 19.06.2023; Vendimin A.nr.936/2023 të datës 01.09.2023 dhe A.nr.937/2023 i datës 04.09.2023 i Këshillit; Vendimin e datës 04.09.2023 të Bordit të Drejtorëve të AKP-së; Vendimin DM 653/2023 i datës 29.08.2023 për themelimin e Komisionit të Ristrukturimit; Vendimin DM 666/2023 i datës 07.09.2023 për amendamentin të vendimin DM 653/2023; Raportin e Punës 07/2023 dhe Raportin e Punës 08/2023 i Komisionit të Ristrukturimit; Tabelat e sistemit të pikëzimit për pozitën Udhëheqës i Divizionit të Zyrës Rajonale në Mitrovicë dhe Udhëheqës i Divizionit të Shitjeve Direke për kandidatët B.B, A.K, V.H, F.M, N.K dhe D.B; Vendimin me numër DM 688/2023 të datës 28.09.2023, Vendimin me numër DM 689/2023 të datës 28.09.2023, Vendimin me numër DM 691/2023 të datës 29.09.2023, Vendimi me numër DM 692/2023 i datës 29.09.2023, Vendimin me numër DM 693/2023 të datës 29.09.2023 të Drejtorit të Burimeve Njerëzore të Agjencisë Kosovare të Privatizimit; Emailin e datës 28.09.2023 nga A.G për F.M; Emailin e datës 29.09.2023 nga Burimet Njerëzore për ankuesin; Emailin e datës 02.10.2023 nga L.Xh për B.B, A.K, Q.B, A.K, A.L; Dosjet e kandidatëve B.B, A.K, V.H, F.M, N.K dhe D.B së bashku me shkresat e bashkangjitura lidhur me përvojën e punës, atë profesionale dhe trajnimet e përfunduara.

Kolegji i Këshillit duke u bazuar në vlerësimin e hollësishëm të çdo prove veç e veç dhe të gjitha provave të marra së bashku, si dhe bazuar në rezultatin tërësor të shqyrtimit administrativ, konstatoi se ankesa e ankueses është e bazuar, *sepse*:

Bordi i Drejtorëve i Agjencisë Kosovare të Privatizimit në mbledhjen e mbajtur më datë 30.11.2022, ka nxjerr Vendim me të cilin ka aprovuar Rregulloren Nr. 07/2022 për Organizimin dhe Sistematizimin e Brendshëm të Vendeve të Punës në Agjencinë Kosovare të Privatizimit.

Pas miratimit të kësaj rregulloreje, ka filluar procesi i ristrukturimit, ku Komisioni i Ristrukturimit i themeluar sipas Vendimit DM 184/2023 të datës 12.05.2023 ka nxjerr raportin e punës 04a/2023 lidhur me pozitën Menaxher i Zyrës Rajonale në Mitrovicë, mirëpo ky raport është anuluar sipas Vendimit

A.nr.936/2023 të datës 01.09.2023 dhe sipas Vendimit A.nr.937/2023 të datës 04.09.2023 të Këshillit të Pavarur Mbikëqyrës për Shërbimin Civil të Kosovës, duke e kthyer çështjen në rishqyrtim dhe rivendosje tek Komisioni i Ristrukturimit në Agjencinë Kosovare të Privatizimit.

Bordi i Drejtorëve i Agjencisë Kosovare të Privatizimit në mbledhjen e mbajtur më datë 04.09.2023, ka nxjerr Vendim me të cilin ka aprovuar Rregulloren Nr.05/2023 për Organizmin dhe Sistematizimin e Brendshëm të Vendeve të Punës në Agjencinë Kosovare të Privatizimit, me arsyetimin se është konstatuar nga Bordi se Rregullorja aktuale ka nevojë për rishikime/përmirësime. Sipas Rregullores Nr.05/2023 për Organizmin dhe Sistematizimin e Brendshëm të Vendeve të Punës në Agjencinë Kosovare të Privatizimit, konkretisht sipas nenit 43 është shfuqizuar Rregullorja Nr.07/2022 për Organizmin dhe Sistematizimin e Brendshëm të Vendeve të Punës në Agjencinë Kosovare të Privatizimit, ndërsa sipas vendimit të lartcekur kjo rregullore hyn në fuqi nga data 01.10.2023.

Drejtori i Burimeve Njerëzore në Agjencinë Kosovare të Privatizimit më datë 29.08.2023 ka nxjerr Vendimin DM 653/2023 për themelimin e Komisionit të Ristrukturimit, ndërsa sipas Vendimit me numër DM 666/2023 të datës 07.09.2023 është amandamentuar Vendimi DM 653/2023 kështu që Komisionit të Ristrukturimit i është vazhduar afati i punës për tridhjetë (30) ditë nga data e nxjerrjes së këtij vendimi, kjo është bërë me arsyetimin se është miratuar Rregullorja Nr.05/2023 për Organizmin dhe Sistematizimin e Brendshëm të Vendeve të Punës në Agjencinë Kosovare të Privatizimit.

Komisioni i Ristrukturimit i Agjencisë Kosovare të Privatizimit lidhur me dy pozitat e lira të nivelit drejtues respektivisht për pozitën Udhëheqës i Divizionit të Zyrës Rajonale në Mitrovicë dhe Udhëheqës i Divizionit të Shitjeve Direke ka nxjerr Raportin e Punës 07/2023 dhe Raportin e Punës 08/2023.

Në bazë të Raportit të Punës 07/2023, Komisioni i Ristrukturimit i Agjencinë Kosovare të Privatizimit, për pozitën Udhëheqës i Divizionit të Zyrës Rajonale në Mitrovicë, ka shqyrtuar aplikacionet e gjashtë (6) kandidatëve, duke konstatuar se të gjithë plotësojnë kriteret për këtë pozitë, mirëpo që sipas poentimit kandidatët janë renditur si më poshtë: kandidata me inicialet B.B është vlerësuar me gjithsej 53 pikë, kandidati me inicialet A.K është vlerësuar me gjithsej 52 pikë, kandidati me inicialet V.H është vlerësuar me gjithsej 51 pikë, kandidati me inicialet F.M është vlerësuar me gjithsej 43 pikë, kandidata me inicialet N.K këtu ankuesja, është vlerësuar me gjithsej 38 pikë dhe kandidati me inicialet D.B është vlerësuar me gjithsej 36 pikë, duke propozuar që sipas këtij poentimi kandidata me inicialet B.B të transferohet në pozitën Udhëheqës i Divizionit të Zyrës Rajonale në Mitrovicë, e cila sipas Vendimit me numër DM 691/2023 të datës 29.09.2023 është transferuar në pozitën Udhëheqës i Divizionit të Zyrës Rajonale në Mitrovicë.

Ndërsa, në bazë të Raportit të Punës 08/2023, Komisioni i Ristrukturimit i Agjencisë Kosovare të Privatizimit, për pozitën Udhëheqës i Divizionit të Shitjeve Direke, ka shqyrtuar aplikacionet e pesë (5) kandidatëve, duke konstatuar se të gjithë plotësojnë kriteret për këtë pozitë, mirëpo që sipas poentimit kandidatët janë renditur si më poshtë: kandidati me inicialet A.K është vlerësuar me gjithsej 52 pikë, kandidati me inicialet V.H është vlerësuar me gjithsej 51 pikë, kandidati me inicialet F.M është vlerësuar me gjithsej 42 pikë, kandidati me inicialet N.K, këtu ankuesja është vlerësuar me gjithsej 38 pikë dhe kandidati me inicialet D.B është vlerësuar me gjithsej 36 pikë, duke propozuar që sipas këtij poentimi kandidata me inicialet A.K të transferohet në pozitën Udhëheqës i Divizionit të Shitjeve Direke, ndërsa kjo kandidate sipas Vendimit me numër DM 692/2023 të datës 29.09.2023 është transferuar në pozitën Udhëheqës i Divizionit të Shitjeve Direke.

Bazuar në raportet e cekura si më lartë, kandidatët që nuk kanë arritur të transferohen në këto dy pozita janë nxjerr aktet administrative nga Drejtori i Burimeve Njerëzore i Agjencisë Kosovare të Privatizimit ku sipas Vendimit me numër DM 688/2023 të datës 28.09.2023 nëpunësja N.K është propozuar që nga data 01.10.2023 të transferohet në një pozitë të lirë të së njëjtës kategori në institucion tjetër shtetëror dhe vendosje në listën e pritjes nga data 01.10.2023, Vendimit me numër DM 689/2023 të datës 28.09.2023

nëpunësi D.B është propozuar që nga data 01.10.2023 të transferohet në një pozitë të lirë të së njëjtës kategori në institucion tjetër shtetëror dhe vendosje në listën e pritjes nga data 01.10.2023, Vendimit me numër DM 690/2023 të datës 29.09.2023 nëpunësi F.M është propozuar që nga data 01.10.2023 të transferohet në një pozitë të lirë të së njëjtës kategori në institucion tjetër shtetëror dhe vendosje në listën e pritjes nga data 01.10.2023, Vendimit me numër DM 693/2023 të datës 29.09.2023 nëpunësi V.H është propozuar që nga data 01.10.2023 të transferohet në një pozitë të lirë të së njëjtës kategori në institucion tjetër shtetëror dhe vendosje në listën e pritjes nga data 01.10.2023.

Kolegji i Këshillit duke u bazuar në vlerësimin e hollësishëm të çdo prove veç e veç dhe të gjitha provave të marra së bashku, si dhe bazuar në rezultatin tërësor të shqyrtimit administrativ, konstatoi se ankesa e ankueses është e bazuar, *sepse*:

Kolegji i Këshillit nga administrimi i shkresave të lëndëve të tjera në procedurë të shqyrtimit ka gjetur se për të njëjtën procedurë të transferimit së cilës ju ka nënshtruar ankuesja, gjegjësisht për pozitën Udhëheqës i Divizionit të Zyrës Rajonale në Mitrovicë sipas Raportit të Punës 07/2023 dhe Udhëheqës i Divizionit të Shitjeve Direke sipas Raportit të Punës 07/2023 të nxjerra nga Komisioni i Ristrukturimit të AKP-së, ka pasur të parashtruar edhe ankesë tjetër sipas së cilës janë kundërshtuar aktet, respektivisht procedura e zhvilluar e transferimit si dhe vendimet që kanë derivuar prej tyre lidhur me transferimin apo sistemimin e palëve në procedurë.

Andaj, sikurse u theksua më lartë, Këshilli me datë 29.09.2023 ka pranuar ankesën e parashtruar nga ankuesi F.M i cili ka kontestuar procedurën e zhvilluar të transferimit që ndërlidhet me pozitën Udhëheqës i Divizionit të Shitjeve Direke sipas Raportit të Punës 07/2023 të nxjerra nga Komisioni i Ristrukturimit të AKP-së, ndërsa pas analizimit të shkresave të lëndës, shqyrtimit të procedurës së zhvilluar të transferimit rreth poentimit të kandidatëve, dhe zbatimit të ligjit material, Këshilli me datë 24.11.2023 ka nxjerrë Vendimin A.nr.1223/2023 përmes të cilit ka anuluar Raportin e Punës 07/2023 të nxjerra nga Komisioni i Ristrukturimit të AKP-së si dhe vendimin përmes së cilës kandidatja e suksesshme është sistemuar në pozitë respektive, për shkak se Kolegji i Këshillit ka konstatuar se Komisioni i Ristrukturimit në Agjencinë Kosovare të Privatizimit nuk ka shqyrtuar drejtë faktet dhe dosjet e kandidatëve, kështu që në këtë rast raportet i ka përgatitur në kundërshtim me nenin 48 të Ligjit Nr. 05/L-031 për Procedurën e Përgjithshme Administrative, në kundërshtim me frymën e dispozitave të Ligjit Nr. 06/L-114 për Zyrtarët Publikë që rregullon parimet e përgjithshme të menaxhimit të zyrtarëve publikë, referencat që kanë të bëjnë me transferimin e nëpunësve civil si rezultat i ristrukturimit, depozitave të nenit 14 paragrafit 5 të Rregullores Nr.14/2020, për Transferimin e Nëpunësve Civil, i cili përcakton se: "*Komisioni gjatë transferimit të nëpunësve civil për shkak të shuarjes apo ristrukturimit të institucionit cakton prioritetin e transferimit dhe mbështetet mbi këto kritere: 5.1. vjetërsinë e nëpunësit civil në shërbimin civil; 5.2. vlerësimet e rezultateve në punë të nëpunësve civilë ; 5.3. kualifikimet profesionale të nëpunësve civilë. 5.4. trajnimet*", si dhe hapave të përcaktuara përmes Udhëzuesit Nr. 02/2022 për Procesin e Riorganizimit të Institucioneve Publike dhe Sistemizimit të Nëpunësve pas Ristrukturimit, kështu që këto raporte janë të paligjshme në kuptim të nenit 52 paragrafit 1 nën paragrafit 1.5 Ligjit Nr. 05/L-031 për Procedurën e Përgjithshme Administrative, kështu që pretendimet e ankuesit lidhur me poentimin janë të bazuara.

Prandaj, nga se u tha si më lartë, Kolegji i Këshillit ka ardhur në përfundimin që ankesa e ankueses është bazuar dhe e njëjta është aprovuar, kurse për shkak të shkeljeve të përcaktuara si më lartë nga ana e Komisionit të Ristrukturimit të Agjencisë Kosovare të Privatizimit, është shfuqizuar sikurse në dispozitivin e këtij vendimi akti i kontestuar, gjegjësisht Vendimi me numër DM 688/2023 i datës 28.09.2023 i Departamentit të Burimeve Njerëzore të Agjencisë Kosovare të Privatizimit, kurse sipas Vendimit të Këshillit A.nr.1223/2023 të datës 24.11.2023 është anuluar Raporti i Punës 07/2023 dhe Raporti i Punës 08/2023 i Komisionit të Ristrukturimit të Agjencisë Kosovare të Privatizimit, ndërsa lënda është kthyer në *rishqyrtim* në Komisionin e Ristrukturimit në Agjencinë Kosovare të Privatizimit, nga rrjedh se me rastin e rishqyrtimit të lëndës në tërësi, të njëjtit proces do t'i nënshtrohet edhe ankuesja, andaj mbi këtë bazë meqenëse në vendimin e Këshillit A.nr.1223/2023 është trajtuar procesi në tërësi që ndërlidhet edhe me



Raportin e Punës 07/2023 dhe Raportin e Punës 08/2023 dhe se të njëjtat janë anuluar, kështu që nuk ka qenë e nevojshme si çështje e vendosur meritorisht të shqyrtohet edhe përmes këtij vendimi.

Po ashtu, lidhur me shqyrtimin e ligjshmërisë së vendimit të kundërshtuar me ankesë gjegjësisht Vendimit me numër DM 688/2023 të datës 28.09.2023 të Departamentit të Burimeve Njerëzore të Agjencisë Kosovare të Privatizimit, Kolegji i Këshillit me qëllim të mos dëmtimit të palëve në procedurë, konstaton se procesi i ristrukturimit në Agjencinë Kosovare të Privatizimit ka filluar në kohën kur në fuqi ka qenë Ligji Nr. 06/L-114 për Zyrtarët Publikë dhe i njëjti aplikohet në këtë procedurë deri në bërjen e aktit administrativ përfundimtar, mirëpo Departamenti i Burimeve Njerëzore të Agjencisë Kosovare të Privatizimit vendimin e kundërshtuar me ankesë e ka nxjerr duke ju referuar dispozitave të nenit 66 dhe 67 të Ligjit Nr. 08/L-197 për Zyrtarët Publikë, kurse Ligji Nr. 08/L-197 për Zyrtarët Publikë në asnjë dispozitë ligjore nuk vepron në mënyrë retroaktive përveç rasteve të parashikuara me dispozitat kalimtare gjegjësisht me nenin 99 të këtij ligji. Bazuar në këtë, Kolegji i Këshillit, konstaton se procesi i ristrukturimit në Agjencinë Kosovare të Privatizimit nuk ka filluar sipas dispozitave të nenit 66 të Ligjit Nr. 08/L-197 për Zyrtarët Publikë, por ky proces ka filluar sipas nenit 54 të Ligjit Nr. 06/L-114 për Zyrtarët Publikë, kështu që në këtë procedurë nuk mund të aplikohet neni 67 i Ligjit Nr. 08/L-197 për Zyrtarët Publikë, ngase ky nen aplikohet vetëm nëse procesi i ristrukturimit ka filluar sipas nenit 66 të këtij ligji, rrjedhimisht në këtë rast nuk mund të aplikohet lista e pritjes, siç është vendosur me vendimin e kundërshtuar me ankesë, kështu që Kolegji i Këshillit, konstaton se vendimi i kundërshtuar me ankesë është në kundërshtim me dispozitat e Ligjit Nr. 05/L-031 për Procedurën e Përgjithshme Administrative dhe i njëjti është i paligjshëm në kuptim të nenit 52 paragrafit 1 nën paragrafit 1.3, 1.5 dhe 1.6 të këtij ligji, ngase me këtë vendim janë shkelur parimet e ligjit material respektivisht parimet e përgjithshme të menaxhimit të zyrtarëve publikë të përcaktuar me nenin 7 paragrafi 1 të Ligjit Nr. 06/L-114 për Zyrtarët Publikë, kështu që pretendimet e ankuesit ndaj këtij vendimi janë të bazuara

Andaj, pas analizimit dhe vlerësimit të të gjitha shkresave të lëndës si dhe duke u bazuar në dispozitat e nenit 6 paragrafit 1, nën paragrafit 1.1 dhe nenit 18 paragrafit 1 nën paragrafit 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi si në dispozitiv të këtij vendimi.

Këshillë juridike: *Vendimi hyn në fuqi në ditën e nënshkrimit nga Kryetarja e Kolegjit. Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.*

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.1305/2023

Ardita Perçuku-Shyti

Zyrtar i Lartë për Bashkëpunim Profesional



Vendimi i dërgohet:

- Përfaqësueses me autorizim të ankueses Zyra Ligjore
- Drejtorit Ekzekutiv të Agjencisë Kosovare të Privatizimit;
- Udhëheqësit të Personelit në Agjencinë Kosovare të Privatizimit dhe
- Arkivit të KPMSHCK-së